



TE WĀNANGA TAKIURA O NGĀ KURA KAUPAPA MĀORI O AOTEAROA

Floor 3, 711 Mt Albert Road, Royal Oak 1023, Auckland
Po Box 24107, Royal Oak, Auckland 1345, New Zealand
Telephone: 09 625-6226 Free Phone: 0800-625-274 Fax: 09 625-2744
Email: ttrw@twl.ac.nz or kkmadmin@twl.ac.nz

HE TŪNGA POUAKO MO TE RUMAKI REO E WĀTEA ANA

E RUA ĒNEI TŪRANGA

Kei te kimi mātou o Te Wānanga Takiura ētahi kaihautu hou, hei Pouako i roto i te Rumaki Reo. Ka tīmata ā te tau 2021. E whai ake nei ko ngā whakamārama, ko ngā kaupapa matua mo ēnei tūnga me ngā Tohu Matauranga me oti i ngā kaitono ki te whai i ēnei tūranga e rua.

Ngā Whakamārama i ngā Mahi a te Kaiako Rumaki Reo

Te Tūnga: *Kaiako Rumaki Reo*

Noho Haepapa Ana: *Te Kaitiaki Huhua*

Te Kaupapa Matua o te Tūnga:

Ko tā te Rumaki Reo Kaiako mahi, ko te whakatiti, ko te whakatō, ko te whakatangata whenua i te reo Māori, ā whakarongo, ā korero, ā ngākau, ā wairua ki ngā ākonga. He whakaoho, he whakahihiko i te ākonga kia hihiri tōna ngākau ki te hā, ki te uho, ki te ako i ngā tikanga a te ao Māori. He whakaako i te ākonga kia mārama ai ki te whakarongo, ki te whakaaro, ki te kōrero, ki te tuhi, ki te pānui i te reo Māori mai i te Kaupae 1 ki te Kaupae 5. He whakaako i te ākonga ki ngā momo mita katoa o te reo Māori: te Reo ō Paki, te Reo ō Kawa, te Reo ō Karakia, te Reo ō Ao. Ka whakatairanga i te mōhio o te ākonga ki te reo i te kotahi tau, kia mauritau te mōhio ki te whakamāori i ōna whakaaro, ahakoa te kaupapa. Ka haere tōna akomanga ki waho ki te noho marae, ki rohe kē atu, ki te ako i ngā tikanga ā Koro mā, ā Kui mā, ā tēnā iwi, ā tēnā iwi anō hoki.

Ngā Tohu Mātauranga Me Oti

1. Tētahi Tohu Paetahi, Tohu Paerua rānei, mo te āhei ki te whakaako i roto i ngā Kura Kaupapa Māori, ngā Kura Māori ā Iwi, ngā Kura he Wāhanga Māori o roto rānei, ma te reo Māori anake i ngā wā katoa.
2. Te whakawhiwhi i te rēhitatanga o te Kaiako e mana ai te kaitono ki te noho hai Kaiako Pūmau ki roto i ngā Kura Kaupapa Māori, Kura Māori ā Iwi, ngā Kura he Wāhanga Māori o roto rānei.
3. Kua 6 tau, neke atu rānei, te nui o ngā tau e kaiako ana.

Tēnā tukuna mai ā koutou tono mo ēnei tūnga mīharo rawa atu.